

碑 铭

梁鉞琚堂記

我校繼承中山先生遺志，培英育俊，振采揚華。六十年來，名傳海外。際茲國運日隆，需才孔亟，遂有扩充黉宇之議。香港梁鉞琚先生，聞風響應，慨然以一己之力，贈建中山大學禮堂。乃于一九八二年夏，拓土鳩工，經之營之，得成巨构。軒楹瑰麗，氣象恢宏。門接春日之暉，窗攬南天之秀。堂內堂外，美

轮美奂。济济学人，共叨嘉惠。因颜曰梁鍊琚堂，用纪高风而光盛德焉。先生复乐助我校高级学术研究中心基金会基金，夫人李秀娱女士，亦赠建我校附小图书馆。奖掖后进，盛意拳拳；热爱中华，深情眷眷。先生原籍顺德县杏坛北头乡，现任香港大昌贸易行执行副董事长，恒昌企业有限公司董事兼总经理，恒生银行董事。为造福桑梓，屡献巨款，举凡公益建设，靡不鼎力支持。海涯岭表，咸谓先生龄高德重。今推其爱乡报国之心，共襄兴学育才之举。垂范垂式，可钦可则。刻此乐石，以永令誉。一九八四年十月二十七日记。

中山大学 立

英东体育中心落成记

一九八八年秋杪，英东体育中心落成。我校名誉博士霍英东先生，商界巨擘，爱国名流。为振我体育，翼我雄风，赠我巨资，起我宏图。于是拓广袤，垒广厦，以体育馆为主体工程，辖游泳池、网球场、田径运动场诸项。茂林环抱，崇馆峥嵘；绿草芊芊，碧波森森。整体构筑，蔚为大观。况器械臻善，设施先进。从此康乐显豪俊之姿，英雄添用武之地。溯自中心奠基以还，英东博士，育才心切，爱校如家，亲临敦督，以达于成。

其行可则，其情可感。凡我健儿，莅斯锻炼，或鱼翔于沼底，或虎跳于毡中，或鹰扬于网前，或龙腾于场内，增强体质，允武允文。共期寰宇扬威，相与切磋拼搏。十年磨剑，毋负神州父老厚望；一飞冲天，常记英东博士盛意。

中山大学立

曾宪梓堂记

生命学科，日新月异。其初破核分英，近势蔽日凌霄。而十年树木，百年树人，穷研物种化育衍繁，培养又红又专俊彦，诚

四化建设之需，学府当急之务。香港中华总商会副会长，校友曾宪梓先生，爱国爱校，为弘扬学术，拓展生物研究教学领域，赠巨资修建崇馆。维我校生物学系，创办以还，成就斐然，群贤荟萃，英才辈出。一九六一年，宪梓先生毕业于动物学专业。先生广东梅县扶大乡人，忠耿诚信，博学多才。常苦读于哲生堂中，驰骋于绿茵场上。校中诸友，今尚津津乐道。后定居海外，挈妇将雏，胼手胝足，有胆有识，克俭克勤，创建金利来及银利来有限公司，任董事长。经营十载，蜚声宇内，获亚洲领带大王之誉。春云舒展，鸿业有成，先生饮水追源，复思需

泽桑梓；于康乐园一草一木，尤系深情。斯堂之建，先生殚思竭虑，求实求精。楼高六层，风来八面；朱甍碧瓦，雄踞南陬。张健翼以挹珠江，启宏轩而迎学子。爰我校腾飞之际，先生匡之掖之，鼓之舞之，善莫大焉，德亦莫大焉。一九九〇之秋，馆厦落成，友侪感奋，乃恭请叶选平省长题额，叶省长欣然命笔，颜之曰曾宪梓堂。用纪高风，以彰伟迹云。

中山大学立

曾宪梓堂南院序

一九九三年十月十三，宪梓先生获我校名誉博士荣衔，翌月校庆吉日，曾宪梓堂之南院亦成。佳庆赓扬，群贤毕集；把酒言欢，咸钦盛举。近先生驰骋雄才，业绩如丽日中天，而德望愈隆，爱国爱校之情愈笃。曩者曾宪梓堂落成，我校赠以联曰：「宪梓起崇楼，龙跃梅州，织就金银千里色；丽群匡伟业，凤鸣康乐，催开桃李万重花。」师友献芹，聊申谢悃；先生颌首，颇会于心。复以生命科学发展神速，生物学系场馆尚需扩展，

更嘉师生锐意学术，气象日新。遂慨然斥资，兴南院于堂之阳。去岁鸠工，今朝矗立。尔乃层楼耸翠，北踞南随；飞阁流丹，珠联璧合。纳神州之俊英，揽云山之灵气。既而纡才有地，锦上添花，共期科技之果日繁，生命之树常绿。春风南院，从此不辍歌吟；旭日高楼，助我凌云振羽。济济多士，自当力学覃思，为国为民，立功立德。长铭先生之深情，用报先生之厚望。

中山大学 立

岭南堂记

维一九九四年六月，岭南堂落成于珠水之阳。杰构巍峨，崇光闪烁；坪铺翡翠，壁映红灰。于是校园添教学科研设施，校友可瞻依前贤功烈。盖本世纪初，哲士侨绅，感世事之日新，慨国步之隳殆；乃建立岭南大学，育桃李于康乐，播文明于桑梓。兴校以还，孙中山先生数度莅临，嘉掖勖勉。自锺荣光先生掌校政，济济多士，爱校爱国，学风严谨，英才辈出，团结精诚，蜚声宇内。夫云山珠水，气脉本连，洎院系调整，中山

大学迁址康乐，文理汇于一园，两校遂成一体。砥砺切磋，交融水乳；曾共舞于春阳，复相扶于风雨。迨开放改革，世纪临新，为促进教育，集思广益，同心戮力，振兴中华，经国家教委批准，成立中山大学岭南学院，院辖于校而隶系室，用拓办学育才之基，宏两校优良之绪。今岭南堂之建，岭南校友擎之举之，踊跃输诚，而林植宣、伍沾德、黄炳礼学长贡献尤巨。因叙所由，泐此乐石，以彰盛德云尔。

中山大学 立

熊德龙学生活动中心记

中华文化，博大精深，滋润心田，如酥如露。南洋德龙先生，幼失怙恃，幸遇梅州熊氏；异国螟蛉，情逾骨肉之亲。几经坎坷，茹辛含苦；百炼千锤，终成大器。既而遨游商海，得展鸿图，荣膺美国熊氏工业集团公司总裁。先生热爱中华文化，事亲至孝，跪乳反哺，感人至深。尝谓抚养之恩，镂骨难忘。虽非中国血统，而受文化熏沐，饮水思源，牵情华夏。乃注力于公益事业，投资于滇南塞北。每念亲缘，尤重桑梓，尊贤恤老，

修路筑桥。昨岁莅临我校，复感提高青年素质，亟应开辟第二课堂，俾能陶冶性情，展拓视野。为助我办学，兴我家邦，慨然斥资人民币六百万圆，建赠熊德龙学生活动中心。馆厦既成，校园生色，曲栏照波，层楼叠彩。莘莘学子，于此流连，切磋才艺，习练电脑，启智益思，啸吟歌舞。育身心于课余，纳风云于万里。共期融汇中西精髓，弘扬中华文化，培养高尚情操。不负先生厚望。嗟乎！赤子胸怀，其宽若海；人间恩义，有重于山。德龙先生拳拳之意，又岂斯馆可以宣其万一哉！谨铭诸石，用申景仰；重洋虽隔，盛德不忘。

中山大学 立

方润华楼记

园丁育才，穷年兀兀，及其息影休致，宜备憩娱之所。昔者李华钟教授讲学香江，晤方树福堂基金主席方润华先生，尝谓康乐园中，尚乏专供老年教工活动场馆。方先生敬老尊贤，爱国重教，以方树福堂基金名义捐资建楼，遂补斯阙。我校离退休工作处及离退休协会开发创收，集腋成裘，亦举所需之半。于今馆宇竣工，亭轩缕彩，从此校中长者，联袂莅临，或画或诗，可歌可舞，锻炼身心，怡悦性情。乃登高以沐余晖，捧茗而思，

雅量，咸念众志成城，更感先生盛德。因颜曰方润华楼，以示不忘；兼寄雨滋露润树茂华荣之意。

中山大学立

马文辉堂记

马文辉堂告成，我校师生，同瞻新厦，沛然生感。香港马文辉先生，父应彪公，创立先施公司，追随孙中山致力民主革命，任岭南大学首届华人校董。先生幼受熏陶，常思报国，既游欧美，鉴别得失。尝谓振兴中华，宜倡教育与科学民主。已而居

寓海隅，克绍父业，目睹港英时弊，尤恶殖民统治。遂效彼邦之施，为主持民主讲座。慷慨挥斥，议论纵横，激浊扬清，斯民鼓舞。先生早岁就读于岭大附中，爱国爱乡，数十年如一日。迨改革开放，率先重游康乐。睹物思人，亲情愈切，乃扩建其先父母所捐马应彪堂及护养院。复念岭大、中大所藏生物标本，俱誉于世，遂赠建马文辉堂，展列珍品。惜蓝图方拟，先生遽逝，赖夫人卢雪儿女士，暨哲嗣马健源先生，秉承遗愿，终成杰构。卢女士为中大校友，与先生伉俪情深，旨趣相投，匡扶调理，允称贤助。今荟菁华于一堂，体两校成一家，所虑甚周，

寄寓尤远。斯堂巍然屹立，气象轩昂，遂使我园宇增辉，科研添翼。昔先生刚直不阿，襟怀如雪，布衣杖履，周旋于十里洋场；银髯飘潇，一身正气。师友怀念既殷，咸议铸像于堂，俾莘莘学子，仰高风而知盛德云。

中山大学立

外国语学院大楼记

我校承中山先生遗教，沟通中外，博采众长。改革开放以来，国际交往日繁，外语人才，尤需培育。而学子愈众，黉庠顿蹙，

八十年代之初，谋建外语大楼。几经筹划，尚难措手。香港合生创展集团董事局主席朱君孟依，知我襟怀，助我兴学，遂我夙愿，赠我崇楼。于是康乐之南，又矗巍峨之厦。庭笼旭影，瞻气象之光宏，壁染赪霞，照苑林以绚丽。从此青青子衿，鸣其友声，精研海外文明，利我他山攻玉。朱君祖籍丰顺，旅居穗港，欣逢盛世，勤恳营商。念事业之蒸腾，思有报于邦国。乃匡助贫困地区，热心公益活动，于文化教育，寄望尤殷。斯楼之建，朱君独力斥资，终成盛举。我校师生，既感君诚，复嘉君赐，爰镌乐石，用志不忘。

中山大学 立